



Publicaziuns dalla vischnaunca, jamna 10

Damondas da baghegiar

Nr. 2011-1011/02

Datum da publicaziun: ils 11 da mars 2011

Il patrun: Societad da baghegiar BGS Cuoz, Gassa da Cuoz 21, 7186 Segnas

Il representant: Albert Dettling, Biro d'architectura, Caum postal 65, 7188 Sedrun

Object: Casa nova da pliras habitaziuns, project niev surluvrau, parcella nr. 1221, Gassa da Cuoz 19, 7186 Segnas

Nr. 2011-1017

Datum da publicaziun: ils 11 da mars 2011

Ils patrums: Proprietaris dalla casa nr. 168 sin parcella 620, c/o Bruno Schuoler, Kempf-hofstrasse 5, 5436 Würenlos

Il representant: Aluis Huonder, Architect dipl. FA SIA, Via da scola 18, 7180 Disentis/Mustér

Object: Sanaziun interna dalla casa, scala sco entrada nova tier la habitaziun en la secunda alzada, parcella 620, Via Sontga Gada 13, 7180 Disentis/Mustér

Nr. 2011-1018

Datum da publicaziun: ils 11 da mars 2011

Il patrun: Societad da baghegiar BGS Fraissen, c/o Procura Treuhand AG, Quaderstrasse 7, 7000 Cuera

Il representant: Sosio und Partner AG, Architektur und Immobilien, Scherrat 18, 7013 Domat/Ems

Object: Casa nova da pliras habitaziuns, parcella 1240, Via Plauncas 11, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 7-3-2011

Uffeci da baghegiar Disentis/Mustér

Preavis fiera da resti d'affons a Mustér

Venderdis, ils 8-4-2011 allas 19.00–21.00.

Sonda, ils 9-4-2011 allas 9.00–10.30.

Ulteriuras informaziuns suonden.

Mummas cun affons pigns Mustér

Zumba, party latina

Il niev trend per giuven e vegl da trenar la fitness en atmosfera da party ei Zumba. Ei drova negina experienza da saltar! Cun buna musica latina e sempels pass (Salsa, Merengue, Kumbia ni Reaggeton) sas era ti far enzatgei per la sanadad. Il motto ei semplamein semuentar ed haver plascher.

Neu ed emprova inaga!

Cu? Sonda, ils 2 d'avrel 2011 allas 10.00–11.15

Nua? Halla Cons/Mustér

Tgi? Tut tgi che ha plascher



Annunzias: tel, 079 214 32 43 ni e-mail: daniela.vin.de@gmail.com.

Tia preschientscha fagess plascher
Daniela

Uniun da dunnas
Invitaziun alla radunonza generala

Mardis, ils 15 da mars 2011 allas 20.00 el hotel Cucagna, Mustér.

Tractandas:

1. Elecziun dumbravuschs
2. Approbaziun dil protocol dils 2-3-2010
3. a) Rapport annual
b) Rapport dalla sutgruppa mummas cun affons pigns
4. Rendaquen e rapport dallas revisuras da quen
5. a) Program annual
b) Program annual sut-gruppa mummas cun affons pigns
6. Elecziuns
7. Viadi
8. Varia

Sco usitau vegn purschii ina pintga tscheina.

Naven dallas 19.30 sa vegnir priu investa dil protocol dalla davosa radunonza generala.

Era novas commembras ei beinvegnidas.

Selegrond a stedia participaziun salida cordialmein
en num dalla suprastonza
la presidenta: Fabiana Candinas

Radunonza generala dils dretgs e dalla chischada dall'alp Nalps e Tegia-Miez

Mesjamna, ils 16 da mars 2011 allas 20.15 ell'ustria Cresta, Segnas.

Tuts possessurs da dretgs e pursanavels ein cordialmein envidai alla radunonza generala. Suentar radunonza vegn offeriu alls presents in pign puschegn.

Segnas, ils 3-3-2011
La suprastonza

Uniun samaritana Mustér

Nies proxim exercezi meinsil ha liug:

Gliendisdis, ils 14 da mars 2011 allas 20.00 en casa da scola, Cons.

A stedia participaziun envida
la presidenta



SVKT turnier da bal da reit (Netzboll)
Center da sport e cultura Disentis/Mustér

Sonda, ils 12 da mars 2011 naven dallas 14.00 entochen mesanotg.

Rangaziun ca. allas 23.15. Ustria per fans, aspectaturs e giugaduras. Ei dat spisa e bubronda e bunas pettas fatgas dallas dunnas.

Sin Vossa viseta selegra
Uniun da gimnastica da dunnas
UGDM Mustér

Cuors da giuvens tiradurs 2011

Giuvnas e giuvens dall'annada 1991–1994 e giuvenils dall'annada 1995–1997 che havessen tschaf-fen ed anim da prender part als cuors da giuvens tiradurs 2011 ed al cuors dils giuvenils 2011 che ei pli u meins a fin ils 20 da zercladur, han caschun da s'annunziar tochen ils **15 da mars 2011!**

Quei saveis Vus far cun dar in telefon: 081 949 14 12 ni 079 645 64 81.

Il menader dils cuors: Norbert Vinzens, 7188 Sedrun

Pro Senectute Surselva
Niev! Sault a Sumvitg
Neu! Tanzveranstaltung in Sumvitg

Mira sut Sumvitg.
Siehe unter Sumvitg.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:
Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00



Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér

Praulas e historias cun Mats, la miur

Eis ti denter 2 e 6 onns? Has ti gust da vegnir cun tia mumma ni cun in'otra persuna d' accompignament en biblioteca e tedlar praulas ni historias?

Mats, la miur e nus dalla biblioteca raquitein a ti ina praula ord in cudisch da nossa valischa da surprasas e quei mintga gada il **secund venderdis** dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surprasas!

Cun ils pli cars salids e sin seveser tochen gleiti
Mats, la miur ed il team dalla biblioteca populara Mustér
